

此而不可移易如為詩於唐西狩時使讀者不知其為玄肅時人不可也如為詩於宋南渡時使讀者不知其為徽欽時人不可也嗟夫內訌外侮紛起迭乘當今之世非復雍容揄揚承平雅頌時矣士君子傷時念亂亦遂不能不為變風變雅之音實近輯詩話蓋將取古今人慷慨蒼涼纏綿悲感之作而風詠之播揚之使天下仁人志士英雄俊傑皆知夫人心慘怛世變紛紜岌岌為不可終日或因以感發而奮興未始非國家之福也至於深山邃谷之中窮陬枯槁之士其人已殉而零篇斷簡磨滅不彰者儻能蒐采殘缺惠而不我則發潛德之幽光亦實所樂聞者也若夫守宗派講格律重聲調日役役於揣摩盜竊之中乃文章詩歌之奴隸而少陵所謂小技者也實雖不敏竊羞之矣丙午仲夏之月山陽周寶識

無盡庵遺集

詩話

南山陽周寶識

彙擬選古今人詩而區為兩大類以求之一憂時憫俗類一陶情淑性類也而憂時憫俗類中又區為三類一慷慨悲壯者凡誅奸討賊詠史弔古之作皆隸焉一低回宛轉者凡憂盛危明傷時念亂之作皆隸焉一平易剴切者凡表章忠義改革風俗之作皆隸焉陶情淑性類中亦區為二類一芬芳悱惻者凡思君愛國懷人之作皆隸焉一高尚雅雋者凡風景事物理想之作皆隸焉自謂以上綱目足以盡古今人之詩矣其外乎此者蓋不足語風雅也吳梅村以名士作貳臣氣節掃地突然集中有句云故人當日媼妻子我因母在何敢死不意而今至於此又絕命詞金縷曲云故人慷慨多奇節恨當年沈吟不斷草間偷活艾炙眉頭瓜噴鼻今日須難決絕脫屣妻孥非易事竟一錢不值何消說噫嘻豈人之將死其言也善耶然名節事極大古語有云一失足成千古恨再回頭已百年身梅村悔之晚矣陽湖洪稚存有過吳祭酒故居句云興亡忍話

前轍事江總歸來已白頭。以江總才品恰合蓋悲之而復譏之也。

往事已非那可說。且將忠赤報皇元。此元顓孟顓何也。嗚呼君父之仇不共戴天。孟顓以天潢之胄爲亡國之臣。處覆巢完卵之勢。抱禾油麥秀之悲。其所遇之慘。視梅村芝麓等爲尤甚。縱不能一死以殉義。亦當消聲匿影。服國喪以終餘年矣。而乃覩顏事仇。恬不知恥。甚至作爲此語。甘受千秋唾罵。豈非投界豺虎。豺虎不食者哉。世有仿其詩文。摹其書畫者。吾不知其心肝何在。

司空表聖句云。漢兒盡作胡兒語。爭向城頭罵漢人。鄭所南句云。漢室公卿周勃少。河梁朋友李陵多。陳白沙句云。鑄功奇石張弘範。不是胡兒是漢兒。吾讀此等詩。吾惟髮指。吾惟肉戰。吾欲哭而淚已枯。吾欲憤而肝已裂。嗟夫。一張弘範猶可誅也。至普天下之爲張弘範者。竟滔滔而皆是。則誅不勝誅矣。嗟夫。冤死狐悲。芝蕙歎。雖禽獸草木之無知。猶能自愛其類。彼爲張弘範者。固儼然人也。胡乃自屠自戮。以獻媚於他族。是直禽獸草木之不若矣。

陳白沙有舟泊崖山七律兩章。其一云。山木蕭蕭風更吹。兩崖雲雨至今悲。

聲杜宇啼荒殿。十載愁人拜古祠。海水有門分上下。江山無地限華夷。停舟我亦艱難日。愧向蒼苔讀舊碑。按所謂碑者。卽張弘範滅宋紀功之碑也。

楊花亂飛春將盡矣。因憶古今詠楊花句。連篇累牘不可悉數。獨莽蒼蒼齋數語。能爲千秋歷卷。由其學識深粹。理想高超。出乎人人。入乎天天。故也。辭曰。楊花夙有何冤業。萍水相逢乃爾奇。直到化泥方是聚。祇今墮水尙成離。

北牖避暑取越南亡國史讀之。不禁撫膺大慟。嗚呼。吾哀越南耶。抑吾自哀耶。吾願吾漢族引此五十兆水深火熱之同胞爲股鑿也。夫越南之亡。固由越南人自取之。然越南人之中。亦豈無指天日矢忠貞。餐血飲淚。東馳西越。懷子房報韓之志。抱翟義從軍之心者哉。當法蘭西人割取嘉定邊和寶祥。永隆安江河仙六省時。有鄉進士阮勳起兵三爲敵人。所擒再脫於獄。臨刑有句云。縱使已驚胡虜魄。不降甘斷將軍頭。又北甯解元阮高聚。黨千餘謀復省城爲敵所獲。以手刀自割其腹。不卽死復自斷其舌而死。越南義士。輒以詩曰。誓心天地

流腸赤切齒。江山吐舌紅。又潘廷逢者。曾舉廷試第一。勤王詔下。逢方居母喪。

以袁絳奉詔據險養兵儲糧造械警勢行於兩圻會廣義賊阮紳爲敵人獵葵以數千敵兵與數千習兵分道進攻兵未入境適逢病重斃敵兵遂擄渠爲逢臨歿有絕命聯曰九重車駕關山外四海人民水火中又杜輝僚南定人國亡謀舉義未成因母老無養未獲卽死坐獄待命者累年母死遂仰藥嘗有詩云千百年來有此日十八九事不如心未老杜老空懷古再生賈生徒哭今吁斯亦謝疊山之流亞也

勒保奏言嘉慶初年四川鄉勇卽至三十六萬半歲未領糧餉衣狗皮躡草屨人皆呼曰丐兵及戰勝輒笑曰丐兵殺賊各路官兵臨陣輒令鄉勇居前綠營兵次之滿兵吉林索倫又次之鄉勇喪亡無庸注冊報部可掩敗爲功至京師禁旅喪亡必當具奏更非如綠營兵止須咨部之比是以不令前敵及戰勝則後隊弁兵又懷以爲功而衝鋒陷陣之鄉勇反不得與是以保奏皆滿兵居多綠營兵間有之而鄉勇見章奏者百無一二滿兵一人出征養若天驕金川之始溫福阿桂皆奏言滿兵一人費至綠營三人川楚之役勒保亦言徵黑龍江

一人可募鄉勇數十人以上皆魏源聖武記所載也當時蜀人有詠前後鄉兵行以刺之其後章尤沈痛辭曰大紅旗小紅旗大小紅旗共迷離七星蜈蚣稱健兒五日十日道路壅居人慄慄行人悚歸說前途撤鄉勇鄉勇十人九頑劣中有一人獨悲咽哀哀細從召募說憶昔苗疆歲乙卯烏梁河畔隨征討蠻餘亂射百無虛火伴都死一身保聽說妖氛起荆襄遂州劇賊尤披猖無顏而歸故里報名再吃鄉勇糧變府作軍探湖北又河南最後過曉關輾轉黑河大巴山老林百日無完衣肘見踵決血流腓一饑二十錢甜米斗二千披得色穀作炊爨青桐樹濕燒不燃昨日興安城糧船如魚鱗又見走營卒个个衣履新殺賊推鄉勇受賞偏說册無名十年撤兵人已老欲補新兵糧額少賞金多被領旗抽區區微勞誰見收功不收亦無愁依然無面回鄉里甘心老向南山死中國新女界雜誌出版後偶檢閱之見文苑一門載亞華女史數絕詞意俱佳摘錄三百於此詠卓文君曰操譜求鳳百感生多情畢竟是無情白頭吟繼長門賦風雨雞鳴悔失貞詠朱買臣妻曰不信買臣終富貴下堂求去免填溝若

效觀見張湯獄翻詔知機借掩羞詠木蘭曰匈奴未滅敢言家萬里從軍替阿爺巾幗英雄光祖國木蘭第一女郎花

蕭圻但氏遺稿云匹馬還將隨李廣橫刀直欲斬樓蘭只知世上從軍樂誰道人間行路難時時誦此可以增長尙武精神

聞縣陳烈士天聽字不浮少聰穎不羈酒酣耳熱睥睨當世無一可者脫有橫觸繼之以哭甲辰游學日本丁未春畢業四月乘汽船歸國舟次遇一韓人交談許久時悲來填膺遂痛哭一夜明日舟發神戶復與同歸人縱談強鄰交迫

事淚下如雨旋默然獨步片時復大呼曰休矣我福建豈無人耶一躍而下時年三十有五其地蓋播摩灘云烈士居恒好作激烈語有和友人句曰生有罪

言同杜牧死什遺塚傍要離頭顯肯乞黃金買肝膽惟餘寶劍知嗚呼觀素所蓄積如此則其捲懷故國慷慨捐軀以冀國人之一悟必匪一朝夕之故也彌

可知矣

鹽城馬爲龍字蛻杼才士也前由日本寄回近作數十章慨乎言之可歌可泣

選其尤者記之中江雜感云申江惡慣環球少歌舞樓臺盡莫愁粉雨香風天

亦醉不堪回首望神州虎狼逼迫勢難支薪膽生涯正此時怪煞萬花不解意

絲絃仍譜太平詞中秋口占云平生理想出塵寰一騎風雲獨往還僅見月圓

秋更好可憐都是破江山東渡雜感云恨我遲遲看祖鞭秋風吹冷菊花天此

行高唱中興曲喚着光明照大千光復神州志未酬朔風盪起海天愁萃公均

負輿亡責好把滄瀛鄭重游驕小東鄰亦易除刷前國恥在吾徒諸君十載名

山業讀得兵符熟也無過長崎云經過此地一登臨形勢紆迴絕古今憐我江

山空險固中原早已不能兵馬關覽島悔征誅說到平戎派已枯秋草離離苦

綠綠求和碑字未糶糊

千年人物餘邱隴一代興亡等奕棋松柏遠排鍾阜樹墻紅斜覆孝陵碑不聞

明主真龍見祇聽胡兒牧馬嘶如此江山誰愛惜城頭屢見豎降旗此鄉先輩

潘秋勛和余明孝陵作也秋勛名士魁年六十餘無家屬借射陽書院地課蒙

童以自給浣濯炊浙一切胥自任之老病龍鍾至可悲憫甲辰歲余寓書院中

遲月樓消夏先生慨然索稿觀訖賦此相示余受而讀之起結處悲壯蒼涼音節入古惟第三聯稍病淺直然此老胸中固大有塊壘在也

吾宗少薌管和我明故宮韻清越可誦錄之龍蟠虎踞舊神京落日殘旗捲戌營朝局紛爭三大案人才鼎盛四先生羊車秋草淒涼淚燕子春燈哀怨聲夢

秀黍離無限恨西風吹遍石頭城少薌名中儀

吾友卓甫左漢鑑慨念國魂不振奴性難鋤思以淋漓慷慨之音一振柔夷卑

下之氣故所作詩都鳴鉦鼓激烈鏗鏘有驚四座辟萬夫之概不似詩人規

規於神味也茲錄其一律以見豹斑歐風墨雨海西波禹陸將沉喚奈○政府

千年專制毒國民一曲太平歌金戈鐵馬中原鹿棘地荆天維下駝落落男兒

懷熱血莫將民約讓盧梭莽莽神州慘印埃文章淪智渡蓬萊白田笛○卞千功

首專制秦皇一罪魁喚醒黑甜奴隸夢孕成黃種國民胎現身說法仁同佛接

手齊登大舞臺漢鑑名仍豪著有鑑鑑瑋瑋齋集

漢鑑又有感事一律吾宗伯英愛而和之雖面目小異於原著而沈鬱悲痛尤

耐人尋繹辭曰叱咤義輪走黑洋百般慘劇演邊場深宮開宴狐升座大陸興

戎燕處堂七國正傳荆白馬六朝已話劫紅羊憐余更有傷心淚○種何堪白

勝黃伯英名矣

漢鑑數稱合肥汪嘯叔孝廉之詩余以書丐之得數十章錄其尤作者於此見

贈云伏櫪久疑死聞聲忽覺蘇江山春困寂字○日樸糊風雨思君子泥塗辱

壯夫誰知天壤內歌哭有狂奴和余新笛譜題後云仙音烈烈響瓊樓吹徹東

南百二州誰識酒場歌陣裡有人酬夢不知遊高山流水鮮知音幽怨沈沈萬

古心安得羽衣御風去海天空處學龍吟劫火紅羊燒不盡天涯芳草碧無痕

枉將一曲傷心譜獨向空山招國魂揚州弔史閣部云一局殘棋到此終將軍

○外歎無功年年寒食揚州路贏得遺民哭史公以上數章皆傷時念亂之言

諷詠再三淒然欲涕至送春行一篇則哀感頑豔沈鬱低回促節繁音未免亂

人情緒其詞曰杜鵑咽咽催春死滿地落紅扶不起長淮三月草如烟黯黯離

筵為春啓離筵風笛怨黃昏春歸何處渺無痕南朝金粉淒涼路北里笙歌暗

淡村南朝北里都知夢滿眼詔華第一痛棲香粉（疑）懸斜陽惜別流鶯轉清啼
鶯悽蝶倦不勝愁無語東風淚欲流青苔漢苑埋同葦香塚隋堤冷玉鈎玉鈎
銅鞮無消息江草江花豈終極年年漂泊苦天涯何況天涯送春色春色怡人
亦惱人來如錦繡去如塵芭蕉窗外長緘恨楊柳樓前不解翠芭蕉楊柳愁風
（兩）極目關山何處所欲將離緒絆春回春自難留人自苦人生苦樂本無常春
去春來枉自傷都將綠葉成陰恨譜入陽關第幾章

秋瑾女俠字璿卿山陰人幼承家學甫笄博通經史庚子後痛憤時變乃脫簪
珥為學費子身走東瀛留學丙午秋始回國為本籍明道女學校教員明道女
學校徐伯蓀所創立也遂以此被禍女俠生平喜為詩歌尤多感世之（一）黃海
舟中感賦云片帆破浪涉滄溟回首河山一髮青四壁波濤旋大地一天星斗
拱黃庭千年劫燼灰全死十載洵餘水尚腥海外神仙渺何處天涯涕淚一身
零聞說當年鏖戰地至今猶帶血痕流馳驅戎馬中原夢破碎河山故國羨領
海無權悲索莫磨刀有日快恩讎天風吹面冷然過十萬烟雲眼底收長崎曉

發口占云曙色推窗入嵐光撲面來行行無限意搔首一徘徊我欲乘風去天
涯咫尺間何當登帝關一叩九重關題南海樂天詞史春郊試馬圖云長亭話
別太匆忙衫影鞭絲映夕陽百戰乾坤成感慨十年脂粉劇蒼茫樓臺烟雨新
詩句花月湖山舊酒場楚尾吳頭渺何處白攜書劍去扶桑觀女俠之思想襟
抱固足使吾輩鬚眉愧死無地即以末技詩論亦足以上抗老杜（杜）况餘子哉桐
城吳芝瑛女士稱女俠在京師時攝有舞劍小影又作寶刀歌佩歌等篇有上
下千古慷慨悲歌之致一時和者甚衆惜隨手散佚不可得見矣某女士贈以
詩有隱娘俠氣原仙客良玉英風豈女兒二語頗能彷彿其平生云嗟夫神州
冷淡闌蕙無多如我女俠甯復有兩使遇仁人君子吾知方培植之不暇獨不
解風雨何心對此方茁之新芽而必出死力以摧（摧）焉嗟夫嗟夫怨毒之於人
深矣哉

余嘗成悲秋七律兩章蓋為女俠作也苦雨淒風夏日寒宗邦從此有羅蘭已
抄瓜蔓沾私寵更借花枝買佛歡慘慘湖山餘怨毒荒荒天地獨汎淵吾儕等

是箇頭肉無地呼冤裂肺肝駟馬高車笑大僚策功解殺小苗條娟娟此豸成
孤往渺渺余懷賦大招豈有精禽填海水定乘白馬逐江湖男兒不少龍光劍

宛轉偷生媿阿嬌

陳烈士不浮前已紀其斷句茲復得其送友赴臺兩律完璧也郡烏當年百戰
場忍教拱手據金湯書生絕口談王會大將甘心愧國殤南渡衣冠應不少漢
家伏臘詎能忘憑君往謁延平廟陳跡蒼涼弔鱗香赤炭水火異吾閩况復邊
雲鬱割新番社租庸充旅食義民聲鼓動邊塵炎荒風月無名士舊日河山感
主人此去莫愁離索甚許多遺老是鄉親

丹徒吳振聲讀神州日報四律高歌拔俗有長韻倚天之概其辭曰振袂崑崙
最上頭百靈捧日燭神州蒙莊內熱人問世老范心兵天下憂田自爰書明勅
穉昏黃禾黍訖猶猴毫端何止千鈞力直挽狂瀾盡倒流轉輪浩劫本無邊幸
是乾坤未毀年獨把佛心酬衆願但憑真宰泣諸天兵談尉繚誅逃法書著荀

卿勸學篇萬馬千牛移不去儒生清議此微權朝朝阿壁氣如雷抗首金庭獨

去來九百處初會小說八千子弟獎通材徵書西域傳真本馬鬼東方挾纒才

不向空山借龍象五丁有力看山開大錯鑄成六州鐵牽腸歌哭事云何相期

北海同平難不許東窗再議和文字天涯搜玉匣河山畫裡證銅駝天驕漫欲

掀髯笑鱗鳳中原尙爾多

實所存無盡處詩草兩卷計三百餘首僅得生平所作十之三四耳然稟稿中
尙有一二好句寸心終不割愛者摘記之於此感事云巢幕人情同燕雀多門

國政久岫塘詠史云鐵聚六州難鑄錯槍餘半段移談兵賜筋未聞旌宋璟上

書爭擬殺陳東蘇綽無權誰變法班超有筆未封侯上林花石千家貢先代車

書四海同端陽日志慨云高堂新白髮游子舊青衫與伯英京口小住云莫憑

文字論千古儘有情懷賦四愁留別楊丈志雲云壯志怕消千里驥征心慣逐

九秋鴻雨花臺晚眺云四圍山色鎖煙霧千里江聲淘古今秣陵春暮云六朝

勝地羣鶯亂萬里寥天一鳥鳴和人感懷韻云空山誰賞焦琴調逝水難回錦

瑟平京口客筵云半瓢酒綠人思醉一豆燈紅夜未眠雨中疊韻云高士含羞